

MEMORIA XUSTIFICATIVA E ECONÓMICA DO CONVENIO ENTRE A CONSELLERÍA DO MEDIO RURAL E FEDERACIÓN DE RAZAS AUTÓCTONAS DE GALICIA (BOAGA) PARA CONTINUAR COA EXECUCIÓN DAS ACTIVIDADES DE CONSERVACIÓN, DESENVOLVEMENTO E UTILIZACIÓN SOSTIBLE DOS RECURSOS ZOOXENÉTICOS DAS RAZAS BOVINAS AUTÓCTONAS GALEGAS EN PERIGO DE EXTINCIÓN, DA OVELLA GALEGA, CABRA GALEGA, GALIÑA DE MOS, E DOS SEUS PRODUTOS DERIVADOS, FOMENTANDO O USO COMERCIAL DESTES, COFINANCIADO CO FONDO EUROPEO AGRÍCOLA DE DESENVOLVEMENTO RURAL (FEADER), NO MARCO DO PDR DE GALICIA 2014_2020.

Esta consellería do Medio Rural é o órgano da Administración autonómica que ten atribuído o exercicio das competencias en materia de desenvolvemento das accións necesarias para a ordenación, fomento e control da produción gandeira, así como na elaboración e execución dos programas de conservación e fomento dos recursos zootécnicos autóctonos de Galicia e, en consecuencia, nos programas de mellora xenética do gando, tal como se recolle no Decreto 149/2018, do 5 de decembro, polo que se establece a estrutura orgánica da Consellería do Medio Rural e se modifica parcialmente o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia.

No mencionado ámbito material, constitúe un dos obxectivos a conservación dos recursos zootécnicos autóctonos de Galicia en perigo de extinción.

Antecedentes

En Galicia, a explotación sostible e rendible dos recursos xenéticos gandeiros autóctonos en sistemas de produción de calidade altamente compatibles co medio ambiente, é posible en gran parte pola rusticidade e a gran capacidade adaptativa das razas, ao que habería que sumar a facilidade de manexo e mansedume características. Xogan un papel fundamental nas zonas rurais, non so pola súa contribución no

CONSELLERÍA DO MEDIO RURAL
DIRECCIÓN XERAL DE GANDARÍA, AGRICULTURA E INDUSTRIAS AGROALIMENTARIAS
SUBDIRECCIÓN XERAL DE GANDARÍA
SERVIZO DE PRODUCIÓNS GANDEIRAS E BENESTAR ANIMAL
Edificio administrativo núm. 4 de San Caetano, 2ª planta
15781 Santiago de Compostela
T: +34 981 546 180
prodgandeiras.ssc.cmr.m@xunta.gal
mediorural.xunta.gal





coidado da paisaxe o do medio natural, senón tamén dende un punto de vista social e económico.

A submedida 10.2 do Programa de Desenvolvemento Rural de Galicia para o período 2014-2020 relativa á conservación de recursos xenéticos na agricultura, ten entre os seus obxectivos a recuperación da variabilidade xenética, e a súa potenciación, de ser o caso, así como implantar mecanismos que permitan aos gandeiros acceder aos fondos xenéticos dispoñibles das razas autóctonas.

BOAGA constituíuse o 8 de febreiro 2001 como unha asociación sen ánimo de lucro, cun ámbito de actuación autonómico. Integra á meirande parte dos propietarios de exemplares de razas autóctonas galegas en perigo de extinción e na actualidade está integrada por 7 asociacións de criadores.

- Asociación de criadores da raza Cachena (CACHEGA)
- Asociación de criadores da raza Caldelá (CALDEGA)
- Asociación de criadores da raza Limiá (LIMIAGA)
- Asociación de criadores da raza Frieiresa (FRIEIREGA)
- Asociación de criadores da raza Vianesa (VIANEGA)
- Asociación de criadores da raza Ovella Galega (ASOVEGA)
- Asociación de avicultores da raza Galiña de Mos (AVIMÓS)

Ao mesmo tempo, ten asinado un convenio de colaboración coa Asociación de gandeiros da raza Cabra Galega (CAPRIGA).

Entre os seus fins destaca a conservación, recuperación e mellora do gando autóctono de Galicia en perigo de extinción así como a súa representación, defensa e promoción dos seus intereses das razas autóctonas.

A Consellería do Medio Rural e BOAGA veñen colaborando nos sucesivos Programa de desenvolvemento rural de Galicia mediante actuacións na conservación dos recursos zoonéticos autóctonos. No ano 2020 asinase o último convenio para a execución de actividades de conservación, desenvolvemento e utilización sostible dos





recursos zootenéticos das razas bovinas autóctonas galegas en perigo de extinción, da Ovella Galega, Cabra Galega, Galiña de Mos, e dos seus produtos derivados, fomentando o uso comercial destes.

Finalidade

Para os efectos sinalados, tense previsto formalizar con BOAGA o instrumento convencional arriba referido por un período de vixencia que abrangue dende o 01 de xaneiro de 2023 ata o 31 de agosto de 2025.

O convenio ten por obxecto establecer as condicións das actuacións realizadas por BOAGA para continuar coa execución das actividades de conservación, desenvolvemento e utilización sostible dos recursos zootenéticos das razas bovinas autóctonas galegas en perigo de extinción, da Ovella Galega, Cabra Galega, Galiña de Mos, e dos seus produtos derivados, fomentando o uso comercial destes.

O instrumento convencional que se pretende asinar fundaméntase no seguinte:

A explotación sostible e rendible dos recursos xenéticos gandeiros autóctonos mediante o aproveitamento dos recursos naturais sen esquecer a protección do medio ambiente, é posible en gran parte pola rusticidade e a gran capacidade adaptativa destas razas. Esta forma de produción característica supón o valor engadido no que se debe apoiar a súa conservación e fomento. Este valor agregado esténdese tamén aos produtos que se obteñen das mesmas, diferenciándoos e incrementando a súa demanda e prezo.

A submedida 10.2 do Programa de Desenvolvemento Rural de Galicia para o período 2014-2020 relativa á conservación de recursos xenéticos na agricultura, consiste precisamente en fomentar a inclusión dos recursos xenéticos agrícolas e gandeiros autóctonos en sistemas de produción de calidade compatibles co medio ambiente, mellorando a súa conservación, caracterización e avaliación.

Os traballos de BOAGA coas razas en perigo de extinción deben ser ininterrompidos, as labores de conservación, asesoramento e difusión non deberían deterse polo que





a renovación dos compromisos adquiridos suporá unha continuidade temporal que resulta imprescindible nas tarefas de recuperación destas razas autóctonas.

O desenvolvemento deste proxecto, só é posible coa participación de BOAGA. As asociacións que a integran son as únicas recoñecidas oficialmente pola Comunidade Autónoma de Galicia para a xestión do Libro Xenealóxico das razas, aglutinan aos criadores e son as únicas que contan coa experiencia, formación e coñecementos necesarios para realizalo. Nestas condicións o procedemento ordinario de concorrência competitiva na concesión de subvencións resulta improcedente, por canto a entidade destinataria resulta imprescindible para a xestión do programa.

O procedemento ordinario de concorrência pública na concesión de subvencións resulta improcedente, por canto BOAGA resulta imprescindible para a execución do programa. A Lei 9/2007, do 13 de xuño, de subvencións de Galicia, prevé a concesión directa de subvencións cando se acrediten razóns de interese público, social ou económico. No mesmo senso se expresa o artigo 36.c do Decreto 11/2009, do 8 de xaneiro, polo que se aproba o regulamento da lei. Por outra parte, o artigo 40.1 do mesmo decreto posibilita a concesión de subvencións directas mediante convenio, nos casos en que se acrediten razóns de interese público, social ou económico.

BOAGA cumpre cos requisitos establecidos para obter a condición de beneficiaria, segundo o artigo 10 da Lei 9/2007, do 13 de xuño, de subvencións de Galicia.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.





Financiamento

A Consellería do Medio Rural financiará as actuacións do convenio a desenvolver por BOAGA, no marco da Submedida 10.2 do PDR de Galicia, cofinanciado polo Fondo Europeo Agrícola de Desenvolvemento Rural (FEADER) cunha porcentaxe de financiamento do 75%.

O importe total ascende a un millón douscentos corenta e catro mil euros (1.244.000,00 €) para o período 2023-2025, dispoñibles na aplicación 2019.14.04.713C.781.1, código de proxecto 2016 00191. Estará condicionado á existencia de dispoñibilidade orzamentaria e distribuírase coa seguinte dotación máxima para cada unha das anualidades do convenio:

- 443.000,00 € para o ano 2023, dos que 95.000,00 € estarán destinados á participación nos eventos Feira Internacional Semana Verde de Galicia e SALIMAT.
- 443.000,00 € para o ano 2024, dos que 95.000,00 € estarán destinados á participación nos eventos Feira Internacional Semana Verde de Galicia e SALIMAT.
- 358.000,00 € para o ano 2025, dos que 95.000,00 € estarán destinados á participación nos eventos Feira Internacional Semana Verde de Galicia e SALIMAT.

Respecto da tramitación do expediente de gasto, resulta de aplicación o establecido na Orde da Consellería de Economía e Facenda do 11 de febreiro de 1998, modificada polas ordes do 27 de novembro do 2000 e do 25 de outubro de 2001, relativa á tramitación anticipada de expedientes de gasto, polo que queda condicionada a súa eficacia a que exista crédito adecuado e suficiente nos orzamentos da Comunidade Autónoma de Galicia para o ano 2023.

Poderanse efectuar pagamentos a conta, pagamentos fraccionados que responderán ao ritmo de execución das accións subvencionadas, sempre de acordo co disposto no artigo 67 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, abonados por contía equivalente á xustificación presentada a conta da liquidación final.





Por todo o exposto, solicítase a tramitación do Convenio entre a Consellería do Medio Rural e BOAGA, para continuar coa execución das actividades de conservación, desenvolvemento e utilización sostible dos recursos zootécnicos das razas bovinas autóctonas galegas en perigo de extinción, da Ovella Galega, Cabra Galega, Galiña de Mos, e dos seus produtos derivados, fomentando o uso comercial destes, cofinanciado co Fondo Europeo Agrícola de Desenvolvemento Rural, no marco do PDR de Galicia 2014_2020.

Santiago de Compostela, á data da sinatura.

O director xeral de Gandaría, Agricultura e Industrias Agroalimentarias.

Asinado dixitalmente no lateral.

